


二十卷



名家詞鈔目錄

廬陵 聶先 晉人

長水 曾王孫 道扶

橫江詞

石城 徐惺 卽山

憶江南 二調 浣溪沙 二調

卜算子 好事近

賀聖朝 滿宮花

雙錦瑟 南歌子

南鄉子

一剪梅

憶帝京

風入松 二調

慶清朝慢

漢宮春

鬱金香 二調

高陽臺

石州慢

洞庭春色 二調

沁園春

橫江詞

石城 徐惺 卽山



憶江南 本事

江南好。最好是秦淮。燈舫三更吹玉笛。粧樓明月照吳娃。花下落金釵。

前調

江南好。其次憶清涼。虎踞高城黃葉下。龍眠古寺翠微香。目送楚江長。

浣溪沙 東園

日上魚兒浴淺池。打魚沽酒去應遲。薄陰天氣插秧時。鵬語暗藏嬌宛轉。柳香暗舞碧參差。晚烟吹漾上青絲。

前調 水閣

青壁虛窗爲月開。照殘孤影是生涯。空山歸鶴一聲哀。又是清鐘驚鳥起。白雲紅日帶烟來。百年休負小亭臺。

卜算子 北窗

樹上有啼鳥。樹下休彈雀。窗隙涼風自北來。獨自凭

虛閣。夢醒莫蹉跎。人事同蕭索。捨却東山一片雲。便采天台藥。

好事近 東軒初夏

嘯傲白雲低。四面亂峰圍壁。臺畔俯臨層巘。看大江烟積。衙門晝掩不須開。猿鶴同休息。向午撥開幽夢。是綠陰移日。

賀聖朝 聽雨

樓頭坐聽連宵雨。客思知何許。二更鐘響。一更燈影。五更禽語。詩朋酒伴。今餘幾剩。得愁心如縷。雲開

天霽柳深鷓鴣唱還須採取。

滿宮花 催粧黃公

浴蘭湯搖團扇繡閣知時節。新紅乍整鏡臺粧。且把
画眉停歇。有情郎莫逢人說。任取花枝攀折。莫教
粉黛減天真。是是大家行手格。

雙錦瑟 為黃公賦廿四夜

二十四番花信。春風便是良宵。秦樓弄玉夜深簫。引
出鳳鞋輕小。也算天孫織女。月明鵲駕星橋。微風
楊柳舞官腰。怕是洞天清曉。

南歌子 東因兄

麥秀翻青野。江深漲白沙。綠荷新蓋漾冰華。收拾琴
書高卧。是生涯。枕簟鋪涼月。蒲葵簇午霞。短牆紅
綻石榴花。可是西隣山下箇人家。

南鄉子 咏竹

白日為誰忙。穩卧蟬聲送夕陽。滿地玲瓏吹綠玉。過
牆帶露。和烟覆草堂。微雨漾新涼。曉夜凝雲入翠
房。似是湘娥多少淚。珍藏。月落空庭弄影長。

一剪梅 留黃公

閨餘六月雨初流。不是悲秋。也似悲秋。昨宵凭閣數
江鷗。未是虛舟。也似虛舟。中原詞賦。决曹劉。試聽
伊州。再按涼州。水龍一調。振溟陬。雲抱江頭。烟轉山
頭。

憶帝京 丙寅元旦

太平無事方清暇。人在黃農虞夏。萬國盡朝宗。火樹
飄仙麝。遙望帝城春。太史賡風雅。遍九陌東風。試
馬。有多少。烏衣王謝。仙樂鈞天。尚方賜舖。正是傳柑
分午夜。天外卻呼嵩。老醉牛羊社。

風入松 望信

北窗一枕夢難酣。白髮不須簪。何時忽聽金雞報。仙
人駕飛上鸞驂。收拾杖頭雲水。高挑一片僧衫。又
看螺髻遠堆藍。乳燕喜喃喃。雲開闔闔春猶近。憑天
與一笑開緘。倘得餘生歸去。笠簑烟雨江南。

前調

芙蓉霜老得春酣。添色上花簪。幸頭白故人無恙。楊
柳外纔送歸驂。卻笑曉風殘月。十年典盡青衫。披
香宮殿染紅藍。乳燕謾呢喃。月明簾捲千山霧。看丹

鳳喚出雲緘。老我家山烟樹。不愁地北天南。

慶清朝慢

坐高觀山望大別晴川晚翠

楚苑銅駝。江東鐵馬。濤聲渙作春水。剩得蒼烟皓月。萬頃波澄。愛峰連黃鵠。趁投閒。攜展興須乘。下山坡。牛羊夕照。鷗鷺江燈。轉瞬事。難重憶。奈量沙增竈。風急如繩。隻手支撐半壁。捨我誰曾。慙愧書生搦管。銷兵後。甘老漁罾。英雄淚。撫今思古。獨杖枯藤。

漢宮春

春遊和韻

山閣苔青。看落花滿樹。香雪初乾。東風亂擁蜂蝶無

語。凭闌春歸尚未。卻誰來。玉筵吹殘。清陰下。閒題官怨。佳人暗拾金丸。乍雨初晴時候。把遊春士女。付與旁觀。翠袖輕舒。纖手細按雲冠。桃腮杏臉。回眸處。腰帶微寬。上高峰。天風吹起。飄搖霞佩星攢。

鬱金香

感舊

少年春恨。不曾忘。膩粉口脂香。雙綰同心紅縷。花底鶯藏。一捻細腰。迴抱。訴幽情。湘竹動。清商卻惜玉關魂。夢杳。憑雁寄。兩三行。別鸞離鵠。淚沾裳。良夜未渠央。恨煞地南天北。底事春忙。誰憶玉臺人去。卻無

名家詩錄
端語燕度新芳。尚記錦箋書恨字。腸欲斷。寄檀郎。

前調

谷蘭和韻

月○明○枝○上○夜○烏○啼○。默○默○數○歸○期○。想○到○故○園○春○色○。別○浦○
天○低○。怎○得○氣○迴○風○轉○。不○眠○人○。頻○視○夜○何○其○。受○露○紫○莖○
香○暗○送○。看○月○上○。小○樓○西○。一○樽○傾○倒○不○須○悲○。拈○起○玉○
簫○吹○。怕○見○薄○雲○濛○樹○。好○月○沉○迷○。我○欲○招○魂○水○畔○。執○叢○
蘭○除○盡○恨○。長○離○覓○得○國○香○人○。服○媚○尋○野○徑○。向○前○蹊○。

高陽臺

贈歌者

蟬噪花陰。鶴飛玉露。松風送。秦笙簧。雨過先秋。楚天

新○轉○清○商○。看○誰○不○假○勻○脂○粉○。只○芙○蕖○冷○浸○紅○裳○。笑○今○
日○知○音○甚○少○。惱○煞○中○郎○。冰○心○淨○洗○濃○粧○。壓○人○間○韋○
杜○。紅○粉○蘇○張○。鷺○舞○鷗○迴○。聊○添○賀○老○清○狂○。欹○枕○何○人○空○
客○夢○。知○別○院○綠○染○絲○長○。似○風○帆○落○霞○秋○水○。蚤○賦○南○昌○。

石州慢

思親

白○日○無○聊○空○。自○行○吟○。墨○華○飛○灑○。那○堪○回○首○。愁○城○阻○隔○。
看○花○開○謝○。黃○梁○一○枕○。夜○來○憑○夢○。消○除○醒○時○。依○舊○游○絲○
惹○。儘○嘔○盡○心○肝○。這○離○憂○。怎○寫○。堪○訝○。白○雲○望○斷○。春○草○
頻○沉○。淚○如○濤○下○。多○似○梨○花○。禁○雨○。又○遭○風○打○。浮○沉○業○海○。

知道夢杳家山。問何心隙駒過馬。便剖破藩籬。賦歸
兮遲也。

洞庭春色

詠牡丹和韻

乳燕脚泥。流鶯認樹。喚起催歸。笑誰腰金紫。攤書萬
卷。何如一醉。彩鳳雙飛。采采祥雲飛欲下。想羽扇霓
裳。弄舞衣。愁如訴。似傷春又去。消減腰圍。歌出李
郎謫後。莫夢着。又賜牙緋。向沉香亭裏。仙春館畔。遠
山如画。風入羅幃。嗅罷宿醒人醒未。看夜靜。花深漏
箭微。清平調。宛太真相對。且慰調饑。

前調

二十五日爲黃公招諸公小集

翠入簾櫳。香飄綺閣。秀色偏佳。更休愁暮雨。休愁夜
月。孤山處士。醉倒流霞。廿四橋頭明月夜。便雲擁笙
歌。襯繡車。相看好。問采蓮溪上。是也非耶。彩鳳題
成錦字。酒正和詩興。交加看鶯語。當歌。燕衣雙舞。珠
光無價。羨煞情賒。他日扁舟江上去。說遙指桃源是
妾家。明朝把那詞人月旦。付與裙釵。

沁園春

蕪箏和會侯

湘浦生烟。蕪春映雪。種出琳琅。羨冰花鋪就。春天一

色。瑶池宴罷。白日生光。嫋嫋餘寒。沁人玉骨。千里勞
君一葉。將今宵卧。勝裴航玉杵。一椀瓊漿。天空欲
渡無梁。羞祇把雲山作故鄉。看江城桃柳。綠紅將半。
汀洲烟月。鷗鷺相忘。有箇人兒。冰心雪質。收拾清輝。
玉臂涼。青童報。趁日高花睡。蚤拂繩牀。

蔣京少

景祁

曰。詞於文章家爲一體。而今作者率

趨焉。縱橫凌厲。往往舉其全力赴之。固不必專
尊詞人之詞。爲當行本色也。子星方伯。胸羅萬
有。著述等身。近嘯傲東山。始作爲詞。與蘄春顧
黃公。白下李因兄。及家仲氏玉淵。吟詠無虛日。
丁卯春。予過從於黃鵠磯頭。得問業焉。而惜瑤
華集未及錄也。乃郵聶子晉人。俾刻之橫江詞
已未刻凡五卷。顧黃公景星爲之序。茲擇其尤
雅者云。

名家詞鈔
聶晉人先曰橫江詞格調俊逸聲致琳瑯能於閒
遠秀脫之中寓其濃情麗語動人眉目出人意
表卓然名世大家

名家詞鈔目錄

廬陵 聶先 晉人

纂定

長水 曾王孫 道扶

香膽詞

陽美 萬樹 紅友

垂楊 惜餘春慢

清平樂 隔簾聽

驀山溪 翠樓吟

望梅 浪淘沙 二調

二郎神 二調

滿江紅

淡黃柳

白苧

點絳脣

月華清

歸朝歡

望海潮

蝶戀花

十拍子

水龍吟

蘇幕遮

石州慢

齊天樂

水調歌頭

踏莎行 二調

最高樓

疎影

惜分飛

釵頭鳳

醉春風

摸魚兒

清平樂

浣溪沙 二調

西溪子

多麗

長相思

賀新郎

金菊對芙蓉

香膽詞

陽美 萬樹紅友

垂楊 詠柳

餉○簫○餞○冷○早○謝○橋○過○雨○亂○花○紅○凝○兩○行○烟○斜○翠○綠○新
 挂○鵝○黃○梗○吳○霜○糝○處○秋○蟬○暝○正○聞○說○西○風○薄○倖○又○依
 依○倦○倚○春○眠○被○乳○鴉○啼○醒○依○舊○滄○波○綠○映○記○纜○解
 麴○塵○夕○陽○蘭○艇○寶○鏡○桃○花○這○回○蘇○小○門○前○騁○誰○言○此
 樹○宜○芳○景○最○能○敗○登○樓○人○興○須○教○斫○却○青○青○堤○上○影

惜餘春慢 春怨

碎滴簷冷。重圍燈暈。耐盡一秋蕭瑟。聲來乍接。影去難尋。如夢曉雲無迹。離緒千絲萬絲。雖苦縈纏。未甘拋擲。裹珠啼欲倩。靈禽秦吉向伊低述。從別後。渺渺河山。怱怱水雪。又到杏花寒食。潮驚仄枕。月逗疎篷。疑是那。人孤立。長憶紅亭酒邊。幾點參旗。一聲風笛。便如今。忘却當時。凄斷。怎生忘得。

清平樂 惜花

東風有暇。細逗庭花罅。罅落殘紅。龜網掛。惱得鶯兒欲罵。爲花無計留春。沉吟立盡花茵。不似一雙蝴蝶。惜花飛得殷勤。

蝶 惜花飛得殷勤

隔簾聽 枕上聽鸚鵡念春眠不覺曉句

一枕故園殘夢。纔喫枇杷了。窗前啁晰頻呼覺。是翠箔深深。雪衣小小。恁厮鬧。把瞳矇曙光相報。從誰教。襄陽詩調。句句傳都好。聲聲只念春眠曉。料因風雨。客懷添惱。更不道。今朝落花多少。

驀山溪 送友還山陰

西堂舊雨。歌管玻璃照。纔歇翠螺樽。又離情春波碧。草羚羊峽外。風亞木棉紅。高閣望。暝雲低。江濶烟帆。

小○身○愁○作○客○如○客○歸○期○早○不○等○荔○枝○甜○怕○家○園○楊○
梅○過○了○灘○踰○十○八○珍○重○寄○聲○來○日○鑄○茗○石○帆○菱○休○忘○
人○天○杪○

翠樓吟 感舊

密○樾○長○陰○幽○重○不○語○悠○然○小○樓○人○靜○簾○疎○風○栩栩○粉○
雲○起○瑤○天○催○暝○危○欄○孤○凭○共○燕○子○長○嗟○梨○花○多○病○離○
愁○凝○蜨○翬○猶○在○少○君○難○倩○記○省○眉○案○當○年○正○酒○鴟○
清○注○果○杵○香○釘○如○今○簫○玉○碎○伴○淡○夜○瑠○璃○紅○影○閑○情○
灰○冷○怕○鏡○笑○潘○郎○爐○羞○荀○令○刪○吟○興○夢○餘○詞○好○誦○和○

誰聽

望梅 梅子

暮○烟○聞○笛○正○細○英○剝○紛○絳○趺○胎○碧○慢○結○成○幾○點○青○圓○
似○葉○底○銜○來○翠○禽○香○粒○搏○弄○風○輕○漸○勻○綻○玉○腮○紅○色○
愛○垂○簷○纂○纂○欲○傍○鎖○窓○枝○重○無○力○肥○黃○又○經○雨○裊○
向○冰○盤○笑○薦○纖○指○親○摘○便○茂○陵○渴○望○金○莖○想○煮○酒○燈○
前○爲○伊○流○液○腸○斷○江○南○蚤○占○了○楊○梅○盧○橘○記○桐○陰○舊○
事○戲○採○隔○花○暗○擲○

浪淘沙 落花

春色過清明。花事飄零。夜來風雨。葬傾城。枕上淚流。
還似雨。太煞多情。曉起捲簾旌。撩亂紅英。滿街聽
得賣花聲。我已傷心聽不得。况是黃鶯。

前調 啖荔枝

四載嶺南遊。未理歸舟。閒身只爲荔枝留。但得日嘗
三百顆。長住端州。惟有水晶毬。能解饞喉。誰言內
熱且須休。若爲荔枝成了病。也是風流。

二郎神 新綠

伯勞碎舌。被叫落一天紅。早漸絳。剪輕跌。黃抽嬌葉。
撩惹蒼烟弄曉。鴨頂波痕。涵芳影。便染出青袍如草。
知渭北。雨餘。淮南春後。翠添多少。蘇小。那時醉倚。
門邊花笑。奈乍別。重尋麴塵金鎖。一逕萋迷。未了。燕
去。錯傳蝶來。驚認苔色粘連林杪。還幾日。盡做清陰
漏月。滿庭難掃。

前調

架槐蒔竹。煉整片碧天。如瓦更棟子。風粗茶蘼雪軟。
一色裴家綠。野誰道東皇相辭去。兀住在青青庭榭。
從反舌鳥歸。扶頭人醉。頓忘初夏。籠馬章臺未許。

長條牽惹怕夢醒揚州。翠陰垂子。贏得樊川淚洒。漉酒門前。臨書菴外。還着雨聲今夜。應也伴萬里。藤蕪共做。接天羅帕。

滿江紅 野廟

居士何人住江岸。要人求福。更誰回。苔墻鬼擁。粉泥衫幘。狐窟花澆。村酒白鴟蹲。竹照神燈綠。有金花娘子。舞婆婆。歌相續。香火竈。鈴旛簇。雞黍會。篝車祝。或將軍。是豕大王。爲鹿名馬。寶刀春雨怒。美人香草。秋風哭。倘精靈。憑託。定知余。招魂曲。

淡黃柳 咏柳

霜清古岸。凋盡栖蟬葉。剪出東風寒未慰。欲試柔條尚短。初學宮黃。智瓊額。禁烟節。纔看舞新月。蜀眉淺。楚腰怯。勸行人馬上。休先折。鶯也憐他。乍停還起。留與南園做雪。

白苧 聽歌西廂長亭折

千古來。一情字。掀翻不出沾泥絮。老久已將心作石。聽新歌。奈何頻喚。怎禁得從昔。這柔腸。怕見的離筵行色。黃花紅葉。偏對西風落日。何況他。昨宵剛是新。

婚夕詞筆惱煞王郎寫來如画一幅秋山送客賺
幾許情人斷魂悲惜胸頭萬卷笑年來忘盡只留斯
帙但向尊前脆管繁絃長是霑臆唱罷梁州五煞休
重拍

點絳脣 愁來

天爲清明幾番排當梨花雨小樓風據麾散黃鸝語
中酒心情欲遣偏無句愁來處可堪人去帆帶吳
天絮

月華清 月中有感

葦墮紅毬。愀懸蒼綬。小庭春盡寒斂。移得交牀。試看
藥娥光湛。插芳砌鏡助花粧。漾碧照餅供魚啖。杯汎
見金波影動。玉河烟淡。對此清輝抱感。記釧底秦
簫。扇邊湘簟。一鑿羅衣長與半床書占。十年在孤雁
紗窗。幾處向亂雞茆店。門掩。又無言覓睡。鼠來燈暗。

歸朝歡 粵中春

颺母無聲天欲暖。開到扶桑春尚淺。爐燒香樹白羊
祠。車裝爆竹青蛇殿。迎神簫鼓遍。芳柑社酒金花宴。
正新晴街心市角。紅展冶遊滿。南海眉娘身比燕。

門○駕○藤○輿○垂○繡○幃○小○籠○濃○着○女○兒○香○輕○衫○窄○製○天○孫○
絹○羞○處○自○掩○面○窺○人○微○露○蒲○葵○扇○忽○迴○廊○人○兒○認○得○
前○夜○紡○場○見○

望海潮

閨情

棠○梨○啼○露○櫻○花○病○雨○傷○心○草○木○先○知○春○冷○不○快○春○暄○
偏○惱○都○來○春○不○相○宜○欲○訴○可○憑○誰○恨○晝○陰○難○遣○宵○漏○
還○遲○打○起○啼○鶯○夢○兒○原○不○到○遼○西○行○人○只○在○天○涯○
但○垂○楊○翠○隔○殘○照○紅○迷○歸○路○易○量○歸○心○莫○測○空○勞○打○
算○歸○期○羅○帕○別○時○題○怎○舊○家○情○性○驀○地○更○移○性○好○更○

時○願○天○更○我○半○生○癡

蝶戀花

春閨

催○喚○春○來○憑○小○燕○一○座○亭○臺○都○被○花○薰○遍○任○是○曉○窓○
風○剪○剪○從○花○穿○過○寒○終○淺○欲○繫○繁○花○休○作○片○空○有○
垂○楊○搓○就○黃○金○線○多○意○遊○絲○長○滿○院○閑○來○細○把○紅○英○
纏

十拍子

曉行

驚○起○鼠○聲○窸○窸○催○行○燈○影○幢○幢○緊○約○臂○圍○雙○袖○月○低○
壓○眉○稜○一○帽○霜○連○雲○溪○路○長○續○夢○輿○中○易○破○尋○詩

囊底多荒漸覺亂山迎面綠恰喜朝曦射眼黃壚頭
蒸餅香

水龍吟 宿清風店

去時楊柳依依我來搖落霜風颭桑乾橋外葫蘆河
畔暮蟬聲慘景物何堪樹猶如此客愁誰念看鶉衣
未改鹿囊如故惟添得黃塵染淚與露珠同落忽
驚眸菊擎新艷柴桑何處舉頭惟見雁行鴉點明日
重陽登高無我酒壇懽欠歎黃昏麥飯蛛絲鼠跡宿
清風店

蘇幕遮 離情

彩分鸞絲攄藕且盡今宵且盡今宵酒門外驪駒聲
早驟惱殺長亭惱殺長亭柳倚秦箏扶楚袖有箇
人兒有箇人兒舊相約相思須應口春暮歸來春暮
歸來否

石州慢 青衫嘆

一領青衫着綻又縫縫了還綴懸來鶉結裘稱鳳尾
却慙貂敝燕轅楚棹已經幾許風霜關山塵土江湖
水猶有滴殘痕為燈前清淚初意壯遊歸去會郡

簷帷茂陵車騎。寧料葛衣如故。褌袍誰遺。青衫休怨。但看着的人兒。年來骨瘁筋枯矣。何況這青衫是布兒縫底。

齊天樂 春閨

簷絲乍歇。朝寒淺。韶陽透來深院。壘燕譁辰。衙蠶旁午。爭說東皇春徧。條風試轉。把朱萼齊挑。翠茵排剪。獨賸愁人。黛痕雙葉不曾展。尋芳鄰女。早約艤青翰。杏浦細繡新換。屢訂頻更。瀕行又輟。長被侍兒嗔。嬾菁華易晚。問春正宜人。恁多幽怨。倘到春歸。怎生

閒過遣。

水調歌頭 攬鏡

齋几乏明鏡。不自識吾顏。偶然驚見。誰道形影自相憐。少亦燈青竹簡。壯亦塵紅玉勒。酣嘯劃秋烟。蓄縮乃如此。僵蛹與暗蟬。眼生花。牙啓竇。耳鳴絃。古人四十強仕。如我尚中年。便不門盈車騎。竟至儲空僮石。攬鏡意茫然。起把鏡椎破。拔劍舞龍泉。

踏莎行 春日

柳碎風忙。花繁天小。烟光易過清明早。雨餘簾尚捲。

時○稀○病○前○書○已○攤○來○少○酒○向○春○疎○箋○和○愁○到○薰○衣○
忘○却○香○焦○了○吹○簫○強○欲○和○啼○鶯○一○聲○飛○去○棠○梨○杪○

前調 秋懷

葉○下○星○窓○雁○橫○颺○館○便○淒○涼○煞○無○人○管○前○程○昨○夢○不○
堪○提○素○顏○青○鬢○都○頻○換○寶○秣○香○存○綵○箋○音○斷○細○將○
心○事○燈○前○算○三○年○有○半○為○伊○愁○人○生○能○幾○三○年○半○

最高樓 閨詞

銀○塘○皺○風○捲○綠○差○差○簾○外○雨○猶○絲○春○駉○駉○去○啼○鶯○裏○
人○垂○垂○卧○落○花○時○悶○原○拚○情○若○解○瘦○何○辭○繡○小○帶○

並○頭○花○絡○索○貯○小○合○叩○頭○重○剝○剝○交○贈○處○肯○忘○之○好○
憑○十○索○丁○娘○曲○試○徵○六○憶○沈○郎○詞○怎○輸○他○綠○豆○子○號○
相○思○

疎影 夜景

啼○殘○蜀○魄○漸○夕○陽○去○也○堤○樹○烟○積○燕○子○歸○來○燈○火○初○
明○簾○鈎○不○住○風○拍○春○慵○不○耐○尋○針○帙○慢○自○把○金○爐○香○
炙○向○案○頭○偶○展○緗○函○檢○得○舊○時○書○蹟○當○日○離○情○未○
遠○有○書○尚○寄○取○如○見○顏○色○人○去○臨○邛○地○變○衡○陽○直○恁○
全○無○消○息○何○心○斗○帳○安○眠○去○但○憑○几○夜○長○人○嘿○問○恁○

時○呆○守○窓○兒○獨○自○怎○生○得○白○

惜分飛

蠡城別友

豆○酒○新○槽○花○露○滴○小○讌○橙○香○菊○色○離○思○誰○知○得○鯉○魚○
橋○下○風○邊○笛○柳○外○疎○星○珠○歷○歷○獨○倚○烏○篷○画○檝○明○
月○能○相○憶○送○人○直○過○西○興○驛○

釵頭鳳

閨情

鬟○垂○絡○衫○移○鈕○一○春○閒○却○調○箏○手○風○簾○罅○燈○花○謝○金○
錢○攜○向○小○窓○占○卦○下○下○下○新○豐○酒○章○臺○柳○問○他○猶○
記○人○兒○否○從○前○話○題○羅○帕○柔○情○終○在○薄○情○難○罵○罷○罷○

罷

醉春風 心事

心○事○難○猜○度○肯○與○旁○人○覺○小○鬟○含○笑○戲○相○譏○着○着○着○
多○少○遮○藏○被○他○窺○破○說○來○非○錯○兩○點○眉○兒○角○一○片○
香○腮○托○此○中○看○出○最○深○情○惡○惡○惡○只○得○都○將○從○前○訴○
與○怎○生○瞞○却○

摸魚兒

憶江南

不○曾○將○水○田○衣○挂○年○來○先○做○行○脚○無○端○一○汎○香○溪○槩○
四○載○海○天○南○角○情○緒○惡○也○不○為○做○裘○長○鍊○愁○漂○泊○孤○

縱似鶴算華表高吟。青冥萬里。何事向、嬾繳頻年。
恨。每到新春。倍覺東風應也。猜着匆匆。又已花朝近。
依舊旅懷無託。歸去樂。第一是難忘。鄧尉山中約。梅
花萬壑。從古寺橋邊。尋香直到。七十二峰閣。

清平樂 春閨

憑闌不語。坐看春歸去。或者留春留得住。因甚全無
一句。曾將百舌間關。要將春色遮攔。百舌兒先
反。愁人更有何言。

浣溪沙 戲友

魚子蘭香曉露滋。起來移近繡簾絲。嫩黃初剪兩三
枝。喚得雪兒教捧去。葵花小合豆青瓷。細君剛在
罷粧時。

前調 夜景

浴起新圍寶袜輕。烏栖人靜夜無聲。手攜金鴨下階
行。榆莢柔風薰珮帶。桐花斜月晒簾旌。誰人能遣
此時情。

西溪子 別語

不是強君留却。只要問君歸約。到春深。寒食後。君來

否來則盡奴杯酒。猶恐酒全傾。話誰聽。

多麗 春遊

好春光。那知都在村庄。賴今朝閒來領略。不然辜負。垂楊雨晴時。青添笏竹。風和後。紅到扶桑。小寺門斜。橫塘波溢。翠鳩飛處。插漁梁。北却近紙灰如蝶。歸去素衣娘。如何遣。臯魚搯擘。荀粲沾裳。鎮三年征衫。着破。可堪猶滯蠻鄉。故人廬。桃花流水。家園夢。芳草殘陽。寶月臺邊。披雲樓外。漠江看似九迴腸。羨兒輩。紙鳶牽線。還有送書郎。爭教我。一春無信。不要思量。

長相思

夜行吳江道中

蘇州城。秀州城。鴨嘴船兒葉樣輕。往來多月明。一條浜。兩條浜。夜半歌聲逐櫓聲。客愁無數生。

賀新郎

黃蘗

風味多清約。論和羹。獨堪調鼎。淡而非薄。釀出青黃兼綠紫。嚼出宮商徵角。鹽與粥。儘誇精鑿。但看盤中何所有。識其人。天下相憂樂。寧肉食。勝藜藿。曾聞有客歸泉漠。聽傳呼。椽曹詳檢。訝稱來錯。尚有黃蘗三瓮在。合遣生歸細嚼。把前件。定教銷却。我媿萬羊。

丞相祿算平生食料應多着須信是引年藥

金菊對芙蓉

弄色芙蓉初蕊將放時微黃次則全白久而漸作淺紅由淡而

濃日凡數變至成深紅而止且有一朶現數色者嫣然娟艷其亦花中之狡獪者乎

琰青招飲亭下醉後口占

雨浥疎英晴烘柔萼尊前艷冶初齊看鵝黃漸坼清
映瑤肌須臾染粉為輕茜更須臾濃染胭脂化工何
處暗攜画篋塗抹芳姿庭下鴛菊稱奇怎如他幻
出半面徐妃向高亭弄影屢屢更衣雪兒拍着紅兒
笑笑群公也學花枝酒酣耳熱雙頰變赤不似來時

余曼翁

懷

曰紅友錦心繡腸嶽寄鎖碎言情繪景

別出新聲俱前人所未經道天驚石破海立山
飛余未識其人直欲生致太真自拔其舌

陳椒峰

玉璫

曰詞中如不等荔枝甜怕家園楊梅

過了共燕子長嗟梨花多病我已傷心聽不得
况是黃鶯若為荔枝成了病也是風流鶯也憐
他乍停還起留與南園做雪三年有半為伊愁
人生能幾三年半問恁時呆守窓兒獨自怎生
得白句句字字在人心窩裏人却道一字一句

不出。

聶晉人先曰。選詞將竟。忽得香膽詞付鈔。不覺狂喜。當以生平從未贈人絕妙好辭四字相贈。但詞中有織新妙句。極類涪翁。足見文人錦心繡口。吾聞昭中稱先生詞如初日芙蓉。光艷奪目。如天衣無縫。自然成章。信然。

名家詞鈔目錄

廬陵 聶先 晉人

長水 曾王孫 道扶 纂定

蔬香詞

錢塘 高士奇 澹人

滿庭芳 南柯子

點絳脣 應天長

漢宮春 鳳凰臺上憶吹簫

蝶戀花 憶蘿月

天仙子

臺城路

玉蓮花

怨王孫

花發沁園春

邁陂塘

倦尋芳

笛家

金縷曲

南樓令

水龍吟

滿江紅 五調

沁園春 二調

念奴嬌 五調

玉蝴蝶

青玉案 三調

賀新郎 三調

撲魚兒

鵲橋仙

金菊對芙蓉

東風第一枝

踏莎行

鬪百花

臨江仙

雙調望江南 五調

風入松


八聲甘州

蘇幕遮

蔬香詞

錢塘 高士奇 澹人

滿庭芳 九月八日慈慧寺



汀冷眼鷗。天空過雁。農家喜得秋晴。閒尋佛舍。籬落吐金英。柿葉槐梢亂墮。憑樓望。林樾疎清。郊原裏。畦蔬香翠。幾處轆轤鳴。
含情重九近。雙螯斗酒。鱸膾尊羹。憶西湖。何時重去。畫舫銀箏。少日乘風。舊願十餘年。屈指堪驚。低徊久。寒烟斜照。歸騎向層城。

南柯子 咏秋海棠

嫩碧叢新葉。媽紅綴小枝。籠烟浥露更多姿。閒倚疎
闌。偏稱晚涼時。冷艷粧初卸。微醺態故低。非關春
睡也相宜。別有風情無地著相思。

點絳脣

寓齋小卉霜時尚著花鮮艷

老更多情。殷紅深碧開還好。露寒霜早。憔悴花多少。
搖落蕭齋。幾陣西風到。憐清曉。疎枝低嬾。一點芳
心悄。

應天長

幾番憔悴。羞明鏡。閒卻玉梳。髮不整。紗窓靜。秋宵迥。

懊惱郎心無箇定。悄過花外徑。黃葉又堆金井。夢
斷鴛鴦枕。冷。淒涼還益病。

漢宮春

新年舊事

一夜東君把殘年。餞盡景物宜春。椒酒頻頻傳坐玉
勒雕輪。五陵豪貴。競銀盤細菜堆新。還堪美釵頭蠟
鳳迎風。微暎輕雲。都下連朝驟暖。看柳絲梅萼弄
色三分。無心追歡行樂。靜掩衡門。履穿東郭。尚羈棲
未得承恩。祇自喜。年華方壯。功名豈妬他人。

鳳凰臺上憶吹簫

翠館停歌。紅樓罷舞。一時燈火都收。又鵝黃著柳。鴨綠回洲。料峭曉寒初破。無限事勾引心頭。添憔悴。半緣多病。半爲多愁。悠悠春光媚也。縱撲蝶揆花。何地嬉遊。念赤闌橋下。錦纜維舟。當日管絃觴詠。親曾見醉裏溫柔。繫人處。淺嗔微笑。萬種風流。

蝶戀花 春思

縷。落盡楊花飄盡絮。報道春歸。不見春歸路。欲問春歸何處去。數聲窗外流鶯語。殘夢驚回天未曙。暗惜韶華。半是風塵誤。怨綠啼紅誰可訴。柔腸一寸愁千

縷

憶蘿月

送石林假歸栖溪草堂

馬頭殘月。暫別黃金闕。一路秋山楓落葉。到向菊花時節。江鱸稻蟹堪烹。交知日聚茆亭。應爲蒼生念切。烟霞莫滯王程。

天仙子 七夕後一日示內

昨夜梧桐飄玉井。碧天初洗銀河淨。輕衫紈扇看雙星。愁難整。闌同凭。忽記十年湖上景。浴罷嫩涼生。晚徑高樓細月懸。清影。風吹裙褶藕花香。閒情性休

重省樂得雙棲渾不定

臺城路 苑西梳粧樓懷古和成客若

雕闌幾曲層臺上。舊是廣寒官宇。綺綬迎風。珠錢漏

月。想見玉虹金露。舊有玉虹金露。穠華無據。但錦石

生苔。秋花點土。艷粉香脂。珮環聲作疎疎雨。堆雲

橋外徙倚。尚澄湖一片。晚霞孤鷺。雁柱調絃。鸞牋寫

怨。無限當年情緒。長安砧杵。共蟋蟀悲吟。惹人詞賦。

繫馬垂楊依稀聽梵語

玉蓮花 題周輿封舍人顧曲圖

菡葢穠香。小坐紫薇庭院倚。雙鬟清歌宛轉。移商換

羽。惹周郎微眄。是林梢嫩鶯初囀。脉脉蘭情故把

玉簫聲斷。笑琵琶當年訴怨。江州司馬枉自青衫浣

那省識。畫圖人面

怨王孫 九日

北。旋河凋西隄。柳變竹屋疎窓。時聞斷雁乘興獨立

檐前。蔚藍天。亭臯木葉蕭蕭下。莫堪把。又是重陽

也。龍山會上人靜。濁酒堪賒對黃花

花發沁園春 和客若種桃

冷露凝香暖烟拖艷穠華一簇誰主倩榆粧靨映
羶眉做出幾多妖嬈移根繡戶却不是武陵溪渡淺
白乍染柔風媽紅更透酥雨還向闌干淡處慣倚
輕盈弄色把人偷覷粉腮半醉玉面微酡脉脉芳情
誰語蜂窺蝶認生怕落英滿路記當日天寶宮中曾
有助嬌新語

邁彼塘

送尤悔菴檢討歸吳

記丹青親聞天語長卿詞賦能擅右銀臺路承恩
最切名重槐廳蓬觀瑤水讌早應制詩成禁裏爭傳

遍

悔菴先生有燕臺
應制詩三十首

紅墻隔斷奈舊日神交幾年聯

籍相見恨偏晚尊鱸興要趁秋帆便碧空萬里雲
歛洞庭香橘千頭熟到及新霜紅染南去雁恰一路
隨君影落吳洲遠江城歲晏恁小棹輕舟落梅殘雪
寄我醉吟卷

倦尋芳

宿羊腸河

纔晴便雨試暖翻寒禁烟時候一抔泥金烘染夕陽
林岫嘆韶光隨逝水鶯花轉眼成辜負數郵籤恁茫
茫過盡羊腸人首羊腸河人首
山途所經也西湖曲鈞磯無恙

買片春帆。欲歸難驟。何處封侯。幾度陌頭楊柳。憶得
今宵燈燼暗。小窗曾夢遼西否。乍聽殘五更風。乳鴉
啼又。

笛家 尾從宿柳條邊夜坐

魚尾梢殘。兔華舒滿。遙天淡泞。薄雲忽送疎疎雨。黑
山不斷。銀礫無邊。柳梢誰插。青青如許。碎葉當城。倡
條。跪地宛似。篋籬護。計征途。幾千里。此夜偶隨落絮。
最苦。沙場當日。玉龍按曲。萬疊關山。白雁題書。一
繩。鄉路冷落。着盡鐵衣人老。若箇刀銀歸去。我今何

愁。毡車茸帽。靜把更籌數。燒炭獸炙黃羊。况有瀉壺
漣乳。

金縷曲 塞上見杏花

絕塞山無數。動羈愁馬頭雁底。黑雲黃霧。拚得今年
春草草。落盡垂楊輕絮。知道是東君留否。驀地花開
橫小阜。據吟鞍。錯認江村路。吹幾點。洗紅雨。天斜
似解憐人語。問春風。玉門關外。緣何也。度嫩蕊。穠香
空艷冶。不見蝶圍蜂舞。只惹却晴絲牽住。已斷青旗
沽酒店。待踟躕。畫角憑催去。搖鞭影。日亭午。

南樓令 葉赤城下咏雨中梨花

淺草亂山稠。驚沙黑水流。好春光只似窮秋剛得一
枝。花到眼。經雨打。又還休。遙憶小紅樓。玉人樓上
頭。月溶溶。催和香篝。肯信東風欺絕塞。都不許。把春
留。

水龍吟 春日直大內南書房恭紀

六街燈火初收。匆匆又過元宵後。宮梅半吐。池冰未
泮。暖風微逗。料峭餘寒。逃離輕靄。着花催柳。看韶華
點染。春光裏。年年譜出江山繡。紫禁承恩非偶。

御爐香時。攜滿袖。茅檐下。士荷衣賤子。只宜吹。白
玉重階。黃金高殿。此身奇遭。喜堯天舜日。熙熙皞皞。
四方安阜。

前調

曉峰新翠飛來。錦帆半渡。春江檝。恰纔回首。碧羅天
淨。弱雲微抹。咫尺蒼茫。狂飈驟捲。怒濤歎雪。訝盆翻
白雨。松林轉黑。紅一綫。雷車掣。如此風波。怎去。意
回船。頭剛歇。野爐爭擁。征衫未燎。薄寒猶怯。遼日
遺墟。金源舊事。斷垣殘堞。有當年遺甃。土花蝕繡。聽

漁人說

本朝初年有漁人于江岸掘得宋錢一甕

滿江紅

新秋直

大內南書房喜雨

萬里銀河。憑空裏倒翻車軸。雙闕外沉雲乍湧。六鰲山矗。駭浪欲傾三峽水。飛流似挂廬山瀑。喜乾坤頃刻。徧新涼。消煩燠。風不斷。烟還續。雨勢急。雷聲伏。見離闌碧甃。跳珠濺玉。天上甘霖膏澤遠。人間禾黍霑濡足。算秋來洗滌四郊清。吾君福。

前調

過孫赤崖客寓感懷

雪釀餘寒。容易放帝城春色。盡日裏濃霧濕霧。殢人

愁絕。禁苑啼鶯聲尚杳。御溝流水嘶還結。盼東郊暖律。扇。蕪。何。曾。得。獨騎馬。衝泥陌。共執手。懷今昔。歎梁園賓從。一時南北。燕市酣歌人未老。長楊獻頌恩偏切。只如今轉眼看晴光。來雙闕。

前調

贈朱十錫鬯

文采風流。問當代誰為詞客。近十載論交京洛。羨君顏色。艷。句。魂。消。隋。苑。柳。鍾。情。酒。醉。秦。淮。月。向。旗。亭。暗。賭。唱。新。詞。人。稱。絕。燕市裏。羞彈鋏。傾蓋處。惟吹笛。更疲驢皂帽。公卿爭識杜牧才華。增爽朗。林宗豪舉。

輕榮適。但逍遙。天壤作閒人。睥青白。

前調 喜謝青至都夜話疊前韻

委老蕭齋。驚剝喙。何來佳客。共執手。言歡道故。暫舒
愁色。洗竿急。傾燕市酒。挑燈細。訴湖頭月。嘆頻年。薊
北與天南。音徽絕。休問取。馮生缺。且莫弄。桓伊笛。
笑吾人。放浪風塵。誰識詩卷。茶錯聊自慰。漁竿樵斧。
期同適。話萍踪。不覺漏聲殘。東方白。

前調 秋懷

秋氣蕭森。登眺處。那堪縱目。忽回思。西泠橋畔。南屏

山麓。幾片梧桐。飄露白。千頭橙橘。垂烟綠。更画船簫
鼓。鎮紛紜。聽歌曲。花月底。行觴促。河山外。啼鵲續。
歎無端。燕市頻年。擊筑露冷。剛來邊塞雁。天寒未放
東籬菊。但高吟。獨對暮雲橫。傾醞醑。

沁園春 賦益都相公萬柳堂

問訊東郊。尺五城陰。名園乍開。甚藥闌繞處。未移湘
竹。花源尋後。不數江梅。一種風流。先春占了。社酒旗
邊。紅杏媒。絲絲裏。見亭亭樓榭。曲曲池臺。此中肯
放徘徊。便隨意。逍遙石徑。苔看拖條筇杖。玉階催去。

穿雙筍屐。瑤圃纔回。多少騷人。孫弘座上。吟盡江豪。
吐鳳才。飛綿好。待夔龍攜手。捲過塵埃。

前調 葉詞菴編修見過不值

滿徑蓬蒿。四壁蕭條。車騎誰來。訝瀛洲太史。退朝偶
過。應門稚子。啓戶驚猜。佩隱金魚。馬嘶玉勒。爲問高
生。奚往哉。長安市。向故人索米。古寺尋梅。情淡久
坐。茆齋把破卷。殘書手自開。笑疎狂風味。室無長物。
羈棲景况。席已生埃。微雪初晴。輕寒向晚。未忍留題。
鳳字回。歸時候。感嗣宗青眼。頻顧吾儕。

念奴嬌 扈從過十三山下值清明

年華幾許。怎芳春兩度。不曾憐惜。古戍黃雲嘶馬去。
客裏又逢寒食。冷雨攢衣。顛風掣帽。俄頃前村黑。瓦
鑪松火。恁時儘也。消得。凝想水國繁華。画裏羅扇。
處處喧歌席。柔櫓嘔啞。花影外。綠賦葡萄。千尺異地。
今朝傷心楊柳。纔露些兒碧。十三山下。伴人一片穹
石。

前調 送嚴蓀友還無錫

春來南闕。早匆匆綺陌。華燈燒徹。積素凝寒。天未轉

滿地亂瓊鋪屑。嶺上揆梅。林中覓草。鄉思尊前發。送
君歸去。陽關不唱三疊。到時第二泉頭。芳菲綠岸。
嫩柳搖新月。青笠綠簑。輕舴艋。墜釣鱸魚盈尺。佳醞
頻斟。荒園日涉。天地真寥濶。懷人京洛。詩成好示遙
札。

前調

送徐方虎編修歸吳興

梧桐愁老。正西風吹動川原。初肅露冷。天空鄉思遠。
惆悵故園。松菊。簞澤魚肥。烏程酒美。手破新橙綠。扁
舟草履。何妨雜處樵牧。幾載待漏東華。鳳凰池上。

應制詩頻促。此去曉風楊柳岸。別是一篇題目。水滿
橫塘。雲連翠嶼。處處供遊目。城南相送。爲君引滿擊
筑。

前調

送沈覃九二閔

苑西客舍。喜君來苔徑。蕭條能住。宦拙盤餐兼味少。
只有新葵帶露。竹几迎風。湘簾對雨。蒲扇暑天午。賦
成洗硯興酣。一寫今古。憶自癸丑春前。城南相見。
快讀金荃句。只道江湖歸未晚。竟被浮名相誤。聽鼓
應官。朝朝走馬。愧作居停主。才華激灑。休文莫歎難

遇。

前調

平生野性。但頻思好水好山深處。何處騎驢都市裏。
 不道偏承異數。暮惹爐香。曉隨天仗。歲歲朝還暮一
 經教子。趨庭自昔俱誤。多君不厭貧家。吟牋筆格。
 隨事開愚瞽。雞肋功名終棄擲。歸向西湖湖渚。扣犢
 耕田。拿舟載酒。風月原無主。殷勤相訂。往來百里烟
 樹。

玉蝴蝶

有感

十載江南薊北。萍踪不定。虛送韶光。相對春燈夜話。
 往事難忘。柳絲搖風。翻翠袖。花影亂日。晃明璫。總堪
 傷。吳宮宋苑。燕壘空梁。癡狂。西陵松下。幾番密意。
 都付荒唐。書劍飄零。傲裘寥落。少年場。擬重尋。夢中
 蛺蝶。休追憶。湖上鴛鴦。向閒堂。淡松殘雪。鐘漏微茫。

青玉案

題蓀友畫

暝烟輕染橫塘樹。微寫出江南路。斷岸危橋疑可度。
 桃花溪澗。葭蘆浦溆。總隔濛濛霧。剡藤半幅無多
 處。意外山川深幾許。鄉思年年朝復暮。青帘沽酒。回

船聽雨何日成歸去。

前調 答蔣京少

晴陽媚月春花粲。差堪比君詞翰。第二泉邊三徑遠。
青絲絡馬紫烟籠袖。肯為蓬蒿戀。子虛定有同時
羨。筆露文瀾驚撲面。十二碧闌遊已遍。紅亭詞句翠
鬟歌曲。且把青樽勸。

前調 雁字

長橋一幅拖藍紙。見幾陣鴻成隊。亂墨斜行低映水。
菰蘆灘上。蓼花洲裏。影出飛騰勢。年年霜信來千

里。碧海空濛何處寄。寫不盡暮紅寒翠。潯陽商婦。新
豐遊子。那識相思字。

賀新郎 送成容若扈從

鳳吹臨晴野。看旌旄歲徃百里。仙郎扈駕。一簇紅雲
班隊裏。箇箇輕裝都冶。應只有長卿閒雅。誰識胸中
才。八斗任浮沉。執戟鑿輿下。白玉勒花驄馬。天高
風緊斜陽也。聽傳宣離弓新上。錦鷹初架。霜落草枯
平坂闊。好騁穿楊騎射。頻賜沐官庖法炙。不信能文
兼會武。向周廬讀史。消寒夜。羽獵賦更須寫。

前調

贈陳其年卽和來韻

風雅誰堪比。美元龍胸襟磊落。詞華工麗。江左紛紛
 諸俊彥。端讓難兄難弟。早已著驚人姓。字幾載傾心
 思會面。恰相逢。又隔新豐市。黃葉落秋深矣。九重
 近日頻留意。正同時班揚董賈。齊登啓事。壁上偶題
 紅杏句。佳話由來稱旨好。打疊金鑾應制。漫擬甘泉
 工獻賦。更揮毫草檄龍顏喜。沽濁酒共君醉。
時陳其年初應

博學宏詞薦舉

前調

生日感懷

僕本恨人耳。嘆孤踪。東西南北。形骸憔悴。自笑胸中
 何所慕。鹿鹿馬蹄車軌。空送盡年華似水。三十無成
 身漸老。豈吾生潦倒真如此。磨滅却。凌雲氣。夜來
 細數從前事。記當時蘭舟盡檝。山川清美。誰遣匆匆
 輕作別。到底而今翻悔。只落得悲歌燕市。破浪乘風
 終有願。且鷓鴣裘賞酒私相慰。白日落。寒風起。

摸魚兒

騰月十二日成容若生日索賦

小闌干。早梅初破。紙窗微逗。香縷冰輪似水。霜天淨
 遙想玉門關路。憑記取。向雪後衝寒。一片玲瓏樹。歸

來歲暮。把衣卸盤鵬。簾垂銀蒜。款款夜深語。年光
近又被春禽喚曙。匆匆凍臍將去。牙香繡袋。渾閒事。
那比蠻牋鈿柱。驚節序。恰十九東坡。十二君初度。酣
餘起舞。擬譜鶴南飛。東坡十二月十九日生日置酒
赤壁下進士李委作鶴南飛曲
樽前狂叫。側帽睨今古。

鵲橋仙

同蒼林步月

古寺良宵。輕寒浥露。開戶月明如素。中庭竹柏影交
加。疑藻荇清流橫布。羌笛誰家。啼鳥市樹。更向空
臺散步。此時光景。忍高眠。我與君閒。人有數。

金菊對芙蓉

贈王儼齋中允

萸葉纔舒。月弦乍上。一庭桂子飄香。正西風簾額捲
起。新涼江東文采。推王粲。數烏衣。名著巾箱。青宮賓
榻。玉堂講席。取次相望。爭羨棣萼聯翩。擅華年甲
第。突與文章。更詩追庾鮑。墨妙鍾張。門多吐鳳。驚人
彥。向珠筵盡捧霞觴。絳河清淺。銀燈燦爛。夜漏方長。

東風第一枝

贈孝儀及第

堤柳風和。宮槐陰綠。篆烟吹滿香霧。螭頭纔聽臚聲。
雉尾扇開。頻顧朱衣仗裏。誰得似凌雲能賦。王鞭梢

快拂花驄。嘶過曲江路。爭傳道五湖才藪。便占
了天街獨步。催他羅袖珠鈿。笑指紅樓幾度。雲
璫天樂。看縹緲笙歌迎舞。更紗籠引到瀛洲。遙
睇燭蓮花吐。

踏莎行

早春感懷

鵬雪纔融。東風乍軟。梅梢歷亂春還淺。無端舊恨接
新愁。新愁更逐關山遠。竹几閒凭。湘簾不捲。半牀
拋散殘書卷。雕梁燕子未歸來。幽窗寂寞黃昏晚。

鬪百花

咏瓶中海棠

雨過園林晴晝。又早暮春前後。名花獨立芳叢露溼。
胭脂初透。折取歸來。更覺丰韻撩人。正是欲開時候。
翠壓垂紅豆。低亞簾櫳。愛護殷勤相守。妖嬈無力。
梨花半同消瘦。怪煞東風。慣能皴染韶華。故把輕寒
拖逗。

臨江仙

試新茶

穀雨纔過春漸煖。建安新折旗槍。銀瓶細筋總生香。
清泉烹蟹眼。小盞翠濤涼。記得當年龍井畔。摘來
旋焙。旋嘗輕衫窄袖。採茶娘。只今鄉國遠。對此又思

量

雙調望江南

病中和蘇友作

歸○去○好○竹○暗○小○堂○東○積○潤○乍○過○梅○子○雨○醒○鬆○又○起○稻○
苗○風○花○放○晚○林○紅○塵○夢○斷○心○與○海○鷗○同○短○袂○竹○冠○
喬○木○下○窄○衫○草○屨○亂○流○中○人○事○不○相○通○

前調

堪○憶○處○墻○繞○院○西○樓○紅○樹○窓○前○花○鬪○錦○碧○天○簾○外○月○
如○鈎○時○序○總○悠○悠○消○瘦○了○少○小○舊○風○流○午○摘○珠○蘭○
纔○被○浴○晚○開○茉莉○更○梳○頭○同○坐○看○牽○牛○

前調

多○病○後○翻○會○記○當○年○錦○薦○壺○觴○芳○草○地○画○船○簫○鼓○杏○
花○天○旋○煮○虎○跑○泉○回○首○望○雲○水○路○三○千○縱○使○客○帆○
歸○渚○土○已○傳○戎○馬○駐○江○干○遊○冶○也○徒○然○

前調

初○睡○起○晴○日○一○竿○多○嫩○笋○青○菱○纔○出○土○紅○菱○碧○藕○半○
浮○波○柳○外○有○鳴○梭○風○色○好○弱○體○恰○輕○羅○團○扇○圍○碁○
閒○永○晝○竹○牀○湘○簟○臥○清○和○不○問○世○如○何○

前調

茅舍畔。喬木暗明。雨足東疇收晚稻。霜沾別圃刈。
香蔬舉網得江鱸。落照處。蝦菜集槃盂。小婦金環
能約酒。幼兒玉盃。趁呼蒲。還羨早朝無。

風入松

夏日賜官扇紀恩

輕紈幾摺灑金泥。一握翠雲齊。沉沉晝靜蓬萊殿。

君恩重賜出彤墀。飛白爭翔龍鳳。

唐太宗賜侍臣飛白龍鳳扇

明巧畫鷓鴣。

碧闌轉午赤輪低。洒洒動涼颺。恍疑

身在方壺裏。宮香細惹袖沾衣。漫說新秋到也。年年
長被清暉。

八聲甘州

送春

看楊花陣陣撲空堦。真個又春歸。漸櫻桃紅熟。杏兒
青小。梅子黃肥。向午蜂愁蝶怨。冉冉謝芳菲。唯有梁
間燕。款語低飛。爲甚留春不住。覺香輪玉勒。瞬息
都稀。最牽情牽恨。天氣困人時。想粧樓簾垂。日永早
輕搖團扇。換羅衣。料得我故園花事。開到薔薇。

蘇幕遮

春閨

陌柳長。池波皺。年去年來。只有春依舊。不減羅衫寒
未逗。雨雨風風。做出清明候。糝蘼蕪。函荳蔻。一種

閑情○慣惹○人消瘦○忽憶花陰○初見後○半晌無言○只把鴛鴦○繡

丁飛濤彭曰。月是何色。水是何味。芝蘭之香何香。水烟山霧之氣何氣。其間皆有自然化境。本之於天。印之於心。出而成聲。沉雄浩瀚。有非人力所能臆造者。如學士所製蔬香詞。比之菊英蘭露。香沁心脾。讀之信然。

趙又呂端曰。學士天才英博。夙踞詞壇。學問品諒之高。足稱盛世羽儀。再讀其詞調。則翛然塵外之風。固已度越尋常者遠矣。

聶晉人先曰。葵能拱日。不如絳雲。墨可騰蛟。不如

白鳳此正言天工之妙。莫可擬議。仰之卽之。自
臻化境。如啞啞噉香柑。能禁其手舞足蹈。然得
之於心。格格不能道隻字。吾於蔬香詞。七裏組
織華彩天成。迦陵一序。恐不足以盡之。

